

patiēt lui dit: Ce n'est pas moy qui les ay appellez ma mere a fongé que [ie] gueriroids, si on faifoit vn ieu folennel; c'est pourquoy elle m'a amené tout cét embarras fâs m'en riē dire.

Au reste la creance & les superstitutions des Sauvages n'est pas bien profondement enracinée dans leur esprit; car comme toutes ces refueries ne sont fondées que sur le menfonge, elles tombent d'elles [151] mesmes, & se fondent, ou se dissipent aux rayons des veritez qu'on leur propose tres-cōformes à la raison. Je n'ay veu que quelques vieillards bien opiniaftres, dont le cerueau déseiché dans leurs vielles maximes, n'auoit plus d'humeur pour receuoir l'impression de nostre doctrine, si quelques vns retombent par fois en leurs badineries, c'est plustost par habitude que par vne grande creance qu'ils ayent en leurs superstitutions, notamment depuis qu'on les instruit.

Pour ce qui concerne leurs coutumes, c'est vne affaire de plus grande haleine, il est plus aisé de bannir l'erreur de l'entendement, que d'oster les mauuaises habitudes de la volonté: Il n'y a pas beaucoup de peines à recognoistre & approuer le bien, mais on en trouue à le practiquer. *Video meliora probōque deteriora sequor.* Il est vray qu'il y a quelques coutumes parmy les Sauvages qui s'aboliront ayfément, d'autres non. En voicy de diuerfes façons. La passion du ieu est violente, aussi bien en nostre France, qu'en la vostre. J'ay [veu] vne femme Sauvage ayant perdu tout ce qu'elle auoit, se iouier elle mesme: non pas [152] son honneur, mais bien son seruice, c'est à dire, qu'elle eust esté comme esclauē ou seruante du vainqueur si elle eut perdu; ils disent qu'il arriue par fois qu'un homme ou vne femme